

*Mernoca.* dictum est) octo millia passuum ad Orientem æstivum distans, ab Occidente æstivo abest ab Argathelia plus minus quingentos passus, ad Orientem à Cunigamia sex millia P. Tota fere humilis est, & frugibus, & pascuis satis commoda. Unam habet insulæ cognominem urbem, & in ea veterem arcem Rosiam. Aliam habet arcem ad sinum, qui sermone patrio Camas, hoc est Kampfus, vocatur.

*Cumbra.* Ad Occidentem hibernum est insula Mernoca humilis, & pro magnitudine fertilis, & culta: mille passuum longa, quingentos lata.

Interius in æstuario Glottæ sunt Cumbra major, & minor, modico spatio dirempta: major frugum, minor platyceroton fera.

Tabulam harum Insularum, nempe Bota, Mernoca, Cumbra majoris & minoris, habes fol. 60.

A promontorio Cantera paulo plus mille *Avona.* passus abest Avona, id est, portuosa: id cognomen adeptum ab statione navium: quod cum Dani insulas tenebant, ad eam classem eorum cursus dirigebant.

*Avonam vide in tabula Kantere.*


Ab eodem promontorio ad Occidentem *Raclinda.* hibernum contra Hibernæ littus porrecta est Raclinda.

Raclindam, cum Hibernia proximior sit, in descriptione Hibernie reperies, in tabula Ultonia hujus tomus partis secunda; fol. 32.

Et à Kintera quatuor millia, exigua insula *Caraia.* Caraia: nec longe ab ea sita est Gigaia, sex millia *Gigaia.* longa, mille & quingentos lata.

*Hæ Insula sunt in tabula Kantere.*

# I V R A.



*Scarba.* B hac (Gigaia scilicet) quatuor & viginti (millia n.) in longum porrecta abest Iura. Duodecim autem millia distat à Gigaia. Maritima cultu satis frequentia sunt: interiora sylvis operta cervorum varii generis copia abundant. Sunt qui existiment eam antiquitus Deram fuisse nominatam: quod nomen cervum Gothic sermone significat.

Ab hac duo millia abest Scarba, ab Oriente in Occidentem quatuor millia passuum in longitudinem excurrens, mille lata: raris in locis ab hominibus culta. Æstus maris inter eam, & Iuram tam violens est, ut nec velis, nec remis, nisi certis tempestatibus superari possit.

*Aliae insulae.* Post hanc multæ ignobiles insulæ deinde sparguntur, Bellach, aut Genistaria, Geurastilla, Longaia, utraque Fiola. Tres item Garvæ cognominibus distinctæ, Culbrenina, Dumchonel, Luparia, Belnhua, Vikerana,

Vitulina, Luinga, Seila, Seuna. Hæ tres proximæ pecore, & frugibus satis fœcundæ; Argatheliæ Comitibus parent. Proxima his Sclata, quod è rupe ejus tegulæ, quas Sclatas vocant, excidantur. Deinde Naguisoga, & Eis-dalfa, ac Skennia, & quæ vocatur Thiana, ab herba frugibus noxia non dissimili Luteæ, nisi quod magis diluto sit colore, & Vderga, & insula Regia, mox Duffa, hoc est nigra, atque insula Ecclesiæ, & Triarcha. Deinde insula Ardua, Humilis, & Viridis, & Ericæa. Item Arboraria, Capraria, Cunicularia, & quæ Ociostorum dicitur, & Abridica. Item Lismora, in qua olim sedes Episcopalis Argatheliæ fuerat, longa octo millia passuum, lata duo. In ea præter communia cum cæteris commoda, metalla inveniuntur. Deinde Ovilia, & Siuna, insula Trajectus, insula Ovicularis. Item Flada, & insula Saxi, & Gressa, & insula Magna, & Ardiescarra, & Musadilla, & Bernera, olim sacrosanctum asylum dicta, Silva taxi nobilis, Molochasgir, Drinacha spinis, sambuco & magnarum ædium ruinis operta. Insula Vici fabrorum sylvæ fertilis. Item Ranfa, & Kervera.